

# Thesalonike Chostshogsla Paului Chagdis Nyispa.

## Thesalonike chostshogsla Paului chagdis nyispe skor.

I chagdispo Tsoo Yeshui skutshabs Paului dia dzadkanbo nadanja i chagdis tan sɔnme chostshogssi uskyongunni spanpogunne gyus chanog.

Chossi khaspagunni sammanog, Paului i chagdispo Korinthe gyalse nanja yod zane, nam Silas tan Timothi nyisko Thesalonikapagunla chagdis tanpobo khyerte logste lebte stinje dia dzadte innog. Khonji i chagdispo Yeshu donste sotea zhanste stinje lo rcurgune nyishui nyekhorla dia dzadte innog.

Paului thesalonike nanja yodkanni Mashikapagunla, i chagdis dicessi gyuntshangun ni:-

Tanpo, khongun tatpa, camspa tan zodpe nanja ldankanboe phia Konchogga thugrjeche zhuad zerte spospa tanjes.

Nyispa, Mashika logste skyod zane, khongunla nagsbardogunni kane tharpa tan tatpa medkangunla thimscad khyonja dzadcespo shadces.

Sumpa, Mashika logste skyod tsharte innog zerkanni uyabo zunba innog zerte shadces.

Zhipa, khonji labzhagun khonranji shadte ya chagdis Griiste indo tegunla kanyancessi phia spospa tanjes.

Snapa, khaa manyankangun kazuggi skyonjin teboe skorla labzha tanjes..

## Paului chogsne ju.

### 1:1 ne 2

**1** <sup>1</sup> Na, Paulu tan ne topa Silas<sup>a</sup> tan Timothi gunni chogsne i igebo Konchog nadanji yab tan Tsoo Yeshu mashike inkanni thesalonike chostshogsla diad.

<sup>2</sup> Nagangunni yab Konchog tan Tsoo Yeshu mashike thugrje tan zhide khyozhaa tshanmala thobshig.

---

<sup>a</sup>1:1 Griissi skaddi nanja silwanas zerte Griiste dug.

**Nagssi tusla spospa dzads.****1:3 ne 12**

<sup>3</sup> Cespe spun tañ spunmo gun, khyozhe phia ñazhagunni Konchogga thugrjeche zhucespo ospazhig innog, ciazerna zhagpasañzhag khyozhagun dadpe nañña ldanin soñte cig tañ cigga cespa cocespo phelin chadug. <sup>4</sup> Teboephia ñazhe, khyozhagunla sdugsñal tañ bardo thoññañ, khyozhagunni snyiñrus tañ dadpe nañña stanpo yodkanbo Konchoggi zhan chostshogsgunni nañña ma spalñams nyampo shaddad. <sup>5</sup> I naslugpoe Konchoggi sdigpeka thimscad coa dzadcespo, ospa inkan standug, matshad khyozhagun khoñji gyalşiddi phia ospacan rig gyur cugganog, kaboe phia khyozhagunla sdugsñal thoñin innog. <sup>6</sup> Konchog ni ospa dzadkan zhugste in. Khoñji khyozhaa nags stankangunla nags stanna dzadin.

<sup>7</sup> Tsoo Yesu namkane rañji stobsshugcanni phonyagun tañ me chenmo nyampo sñon zane, Konchoggi khyozhaa nags khurkangun tañ ñazhagun thar cugga dzadin.

<sup>8</sup> Yañ Konchog masheskan tañ ñadañji Tsoo Yesu mashike gamoe nastshulla khaa manyankangunla mee chadpa phogin. <sup>9</sup> Tegunla thamedpe thestorri chadpa phogin, yañ tegun Tsoo tañ khoñji zirjidcanni wañgunne soso pheste borin.

<sup>10</sup> Khoñ te zhagga phebsacig, khoñña khoñji dampe migunni chogsne spal thobin, yañ khoñjika tatpa khyoñkan tshañme khoñña stodpa phulin. Khyozhagunnañ tegunni toa innog, ciazerna khyozhagunni ñazhe spañpo tañkangunnika tatpa khyoñste innog.

<sup>11</sup> Tennaboephia ñazhagunni tusgyun i moslamgun zhuad, khyozhagunla Konchoggi bodda dzadkanni ospe mitshe rig phudcugga dzadshig. Yañ khoñji shed gyudte khyozhagunni dadpe las zañpo cocessi dodpa yodkangun ñub cugga dzadshig. <sup>12</sup> Tene khyozhe tetsogssi mitshe phudcessi zhaste, ñadañji Tsoo Yesu mashike tshanla stsiwa thobste, khyozhagunlañ khoñ nyampo stsiwa thobin. I tshañma ñadañgunni Tsoo tañ Konchog Yesu mashike thugrjee gyudte ñub thubin.

**Tsoo Yesu logste phebsshessi skor.****2:1 ne 12**

**2** <sup>1</sup> Spun tañ spunmo, ta khyozhagunla ñadañji Tsoo Yesu Mashika logste phebsshessi tus tañ khoñji skundunla ñadañ tshañma dzomcessi skorla i zhuwabo zhuad. <sup>2</sup> Ñazhe chogsne luñstan ya lon ya ige dug zerte, galtes suzhiggi Tsoo Yesu logste phebsshessi tuspo leb tsharte innog zerna, khyozhe tatpa ya

tharpeka thetshoms macoshig. <sup>3</sup> Juju suzhiggian khyozhagunla gobskor macugshig ciazerna te zhagpo tetetshogpa mileb, namtshogpa Konchogga njolog cocessi tuspo mileb yaŋ kathims medkanni mibo sjon misjon. Te mibo thestor chogsla chen innog. <sup>4</sup> Migunni Konchog stsikan ya colkan tshaŋmala i miboe gyabgal coste khoranŋa tegunni saŋ stsiwa maŋŋa taŋŋanog. Kho Konchoggi chodkhanŋi naŋŋa thissika dugste khoranŋ Konchog in zerranog.

<sup>5</sup> Na khyozhaa nyampo yod zane, tegunni skorla khyozhagunla zerkangun idtu meragga? <sup>6</sup> Kathims medkanni mi, tuspoe saŋ sjunla sjon macugga gagste borra dzadkanbo khyozhaa gyusinnog. <sup>7</sup> Shetanni waŋŋi saŋwe tshulla las coces gozug tsharte innog. Innanŋ gagste borra dzadkanboe, kho tetetshogpa gagste borin namtshogpa Konchoggi khoŋ te lammi kane thenna midzad. <sup>8</sup> Tene te thims medkanbo yoŋin, innanŋ Tsoo Yeshui ugs cig nyampo ka salte, khoa phamkalla dzadin.<sup>b</sup> Yaŋ khoŋ zirrijiddi naŋŋa skyodcespoe, kho medkan dzadin.

<sup>9</sup> Te thims medkanbo shetanni stobs nyampo yoŋin, yaŋ zunme stas taŋ stags taŋ khyuddi rigs tshaŋma stanin. <sup>10</sup> Khoe te thestorri lammika dulkan tshaŋmala nanpe gobskor snatshogssi naŋŋa khyoŋin, ciazerna khoŋgunni skyobthubkanni lon danpoa camspa coa mirug. <sup>11</sup> Tennaboephia Konchoggi gobskor chenmozhig cuŋ cugga dzadin, kaboe tegunla shetanni zusma lasgunla idshes cocugin. <sup>12</sup> Khoŋgunni lon danpoboeka tatpa macoa, nanpaoa thadpo cocespoe zhaste, khoŋgunnika shicessi thagcad salin.

### **Dadpe naŋŋa stanpo dugcessi skor.**

#### **2:13 ne 17**

<sup>13</sup> Tsooe cessa dzadkanni spun taŋ spunmo, nazhe khyozhagunni phia Konchogga tusgyun thugrjeche zhucespo ospa tshorrarag. Ciazerna Konchoggi khyozhagun tharpe phia jigsten chagssi saŋ sjunla, dampe thugnyiddi stsaŋma dzadces taŋ Tsoo Yeshui skorla danpoe lonboeka tatpa cokaŋ gun gyudte, ldamma dzadte innog. <sup>14</sup> Nadaŋŋi Tsoo Yeshu mashike spalli naŋŋa des thubcessi phia Konchoggi, khyozhagun nazhe gamoe nastshul shadkangun gyudte, tharpa thobcesla bodda dzadte innog.

<sup>15</sup> Teboephia spun taŋ spunmo gun, nazhe kane tshorkan ya ige naŋŋa Griiskanni labzhagunnika thetshoms machaa stanpo dugshig.

---

<sup>b</sup>**2:8** Griissi skaddi naŋŋa khoa khoŋŋi zhalne biŋŋa dzadkanni ugspo nyampo medkan dzadin.

<sup>16</sup> Ðadaŋŋa cespa dzadte thugrje zigste thamedpe semsde taŋ halassi rewazhig salla dzadkanni, ŋadaŋŋi Tsoo Yeshu Mashika taŋ Konchog ŋadaŋŋi yab nyiskoe, <sup>17</sup> khyozhe semsla, las taŋ spera zaŋpo gunni naŋŋa, spospa taŋ stobs salla dzadshig.

### **Moslammi phia zhuwaa.**

#### **3:1 ne 5**

**3** <sup>1</sup> Stinjugga, cespe spun taŋ spunmo gun Tsoo Yeshui ka, gyogspa phelces taŋ khyozhagunni stsiwa coa tsogsla, zhanmagunni kaneaŋ kaboa stsiwa thobcesla ŋazhe phia moslam zhusshig. <sup>2</sup> Yaŋ ŋazhaa mi stsogpo taŋ ŋansemscan gunni kane tharcesla moslam zhusshig, ciazerna mi maŋpoe gamoe nastshullika tatpa coa manog. <sup>3</sup> Innaŋ Tsoo ni idshescanzhig innog, khoŋŋi khyozhagun stanpo dzadte shetanni las ŋanpane skyobste borra dzadin. <sup>4</sup> Tsooe naŋŋa khyozhagunla ŋazhe las cocesla kataŋkangun laglen coste innog, yaŋ yoŋcescanni tussi naŋŋa coin dugcessi, ŋazhagunla lokhyel yod. <sup>5</sup> Tsoo Yeshui khyozhe snyiŋgun, Konchoggi tsamshiggi camspa dzadces taŋ, mashike kane thobkanni zodsemscanni snyiŋrus gun maŋŋa hagogessi naŋŋa thidda dzadshig.

### **Lasmilam magyurshig.**

#### **3:6 ne 15**

<sup>6</sup> Cespe spun taŋ spunmo gun, ŋazhe ŋadaŋŋi Tsoo Yeshu mashike waŋŋi<sup>c</sup> naŋŋa khyozhagunla i kabo taŋŋad. Khyozhagun tatpacanni lasmilam yaŋ ŋazhe taŋkanni labzhagun naŋzhin maḍulkangunne thagriŋŋa dugshig. <sup>7</sup> Ðazhaa khyozhaa nyampo yod zane, ŋazhaa lasmilam medkanbo khyozhagunla gyusinnog, ŋazhe mitshe phudtshulbo spe lengos. <sup>8</sup> Rin mashalla ŋazhe suzhiggi kaneaŋ zan mazospin, innaŋ khyozhaa suaŋ bardo mistancessi phia nyintshan medpa, stsonḍus şante nyampo las cospin. <sup>9</sup> Ðazhagunla ŋazhe gosdomgun toŋ zercесси waŋ yodteaŋ, khyozhagun ŋazhe speeka ḍulcessi phia ŋazhe mitshe te tshulla phudpin. <sup>10</sup> Yaŋ ŋazhaa khyozhaa nyampo yod zaneaŋ, ŋazhe innabo ka taŋspin, "Galtes mizhigga las cocessi dodpa medna, khoa zacesla zan mataŋshig."

<sup>11</sup> Khyozhe ʔone khacig las caŋ macoa lasmilam gyurte yodkan yaŋ zhanmagunni lassi naŋŋa thestog taŋin dugcespo ŋazhe tshor. <sup>12</sup> Tetsogssi migunla, cubcadte

---

<sup>c</sup>**3:6** Griissi skadriggi naŋŋa "Tshan" yaŋna miŋ zerte Griiste dug.

raŋŋi kharji phia stsonḁus coste las cogoscesla ŋazhe Tsoo Yeshu mashike waŋŋi naŋŋa spospa taŋ kataŋŋad. <sup>13</sup> Ta khyozhaa luskanni spun taŋ spunmo gunni las zaŋpo coin dugcesla snaŋŋa matshershig.

<sup>14</sup> Galtes suzhiggi i ige naŋŋa Griiskanni labzhagunla manyanna, te miboeka naŋstag bor. Khoa thelba chacessi phia kho nyampo ḁel maborshig. <sup>15</sup> Innaŋ khoa ḁao masamma, raŋŋi spunzhig tsogsla ldamzhag toŋshig.

### **Stiŋjuggi moslam taŋ zhuwa.**

#### **3:16**

<sup>16</sup> Ta zhidee salla dzadkanni Tsoo Yeshui, khorraŋŋi zhide khyozhagunla tusgyun taŋ naslug tshaŋme naŋŋa salla dzadshig, yaŋ Tsoo khyozhaa tshaŋma nyampo zhugsshig.

### **Stiŋjuggi jubo**

#### **3:17 ne 18**

<sup>17</sup> Ta ŋe ige ḁikanboe kane nyigubo khyoŋste, ŋa Paului raŋŋi lagḁissi naŋŋa i jubo ḁiad. Ŋe ige tshaŋme naŋŋa tebo, ŋe chogsne inkanni migsalli stagsshig in.

<sup>18</sup> Ŋadaŋŋi Tsoo Yeshu mashike thugrje khyozhaa tshaŋmala thobshig.